

Na osnovu člana 18. stav (4) Zakona o obrtu i srodnim djelatnostima ("Službene novine Federacije BiH", broj 35/09) i čl. 134. i 135. Zakona o upravi u Federaciji BiH ("Službene novine Federacije BiH", br. 28/97 i 26/02) federalni ministar razvoja, poduzetništva i obrta d o n o s i

P R A V I L N I K

o obliku i načinu vođenja Registra saglasnosti za obavljanje posebnog obrta

Član 1. (Sadržaj)

Ovim pravilnikom propisuje se oblik i način vođenja Registra saglasnosti za obavljanje posebnog obrta.

Član 2. (Vođenje Registra)

Registar saglasnosti za obavljanje posebnog obrta vodi nadležno ministarstvo koje izdaje saglasnost za obavljanje posebnog obrta, ovisno o vrsti obrta.

Član 3. (Način vođenja)

Registar saglasnosti za obavljanje posebnog obrta vodi se prema obrascu koji je odšampan uz ovaj pravilnik i čini njegov sastavni dio.

Član 4. (Podaci koji se upisuju u Registar)

Nadležno ministarstvo koje izdaje saglasnost za obavljanje posebnog obrta, ovisno o vrsti obrta, po službenoj dužnosti upisuje u Registar saglasnosti za obavljanje posebnog obrta slijedeće podatke:

- a. redni broj,*
- b. ime i prezime obrtnika,*
- c. JMBG,*
- d. adresu stanovanja, mjesto, ulicu, kućni broj,*
- e. djelatnost za koju se izdaje saglasnost,*
- f. identifikacioni broj obrta,*
- g. firmu obrta*

- h. sjedište obrta*
- i. datum izdavanja saglasnosti,*
- j. datum prestanka važenja saglasnosti.*

Član 5.
(Prestanak važećeg pravilnika)

Stupanjem na snagu ovog pravilnika prestaje da važi Pravilnik o obliku i načinu vođenja Registra saglasnosti za obavljanje posebnog obrta ("Službene novine Federacije BiH", br. 5/03 i 36/04).

Član 6.
(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

*Broj : 08 – 02 – 358/09
Mostar, 22.06.2009. godine*

*MINISTAR
Velimir Kunić, s.r.*

